

民國七年三月上浣

變亂中之中國國是議

變亂中之中國國是議

外交善後 外禍減輕 統一分極 勢誠不能 有北分治 國命維新
各自為政 圖治息爭 救亡救亡 其在於今 同胞同胞 毋寐弗醒

一世黃任

自對德宣戰而后內亂興。自對德宣戰而后外患棘。衛士宣而不戰之。秀言竟惹。出浩浩滔天之大禍。洪水
猛獸之害。皆不是過也。人知內亂足以亡國。而不知外患尤足以亡國。執政名流。類以息爭對

外四字為今日之好材料。好政策。而未聞何以息爭。使爭點永決。何以對外。使外患減輕。

和竟無作的。爾詐我虞。治絲益勞。風雨漂搖之中。國其能不知印。及物鮮之。往歲宣戰說盛之秋。任曾大

聲疾呼。屢函雷。痛陳不可。無如言不見聽。而對德宣戰之舉。卒以命令發表。今也四方多難。內爭正烈。而任所謂歐

戰。本重要變遷。泰看去歲四月致段祺瑞書書附後。竟不幸而有中者矣。任以為德俄之欲侵我國

也。非以復仇為快。將以求其所大欲焉。通商也。雇工也。採購糧食以濟急需也。絕其敵國

與我之交通。以為釜底抽薪之計也。凡之四端。皆彼急求。而陸燻燻之告。奚足怪。幽燕戎馬之驚。豈可憂矣。任亦國

民。每顧禍中心。傷悲。其可告哀。人心近死。不可復陽。日坐斗室。避談國政。忍便形如槁木。心如死灰。久矣。惟禍害之來。猶

有倍蓰於今者。即東鄰將變計。而以我國為犧牲也。人之謀國。皆欲其利。利益善來。彼必不。勞民興戎。倘

財任戰。扶桑一人。詎肯為此。中日一致行動之舉。不待論。而其不可恃矣。而剛復自用之夫。猶欲至死不變。持

其抱薪救火之策以重我國之禍。而自詡為北方之強。其極也不至亡國不止。此任所為日夜

優受懼隕深淵。不忍不泣告我父老兄弟。而急圖銷患保邦之策也。當此危急存亡之秋。正國民努

力救國之時。邦人君子庶肯念亂。毋以對德失敗。老羞成怒。怒而走險。毋以所見幸中。趾高氣揚。強拒善言。惟願心乎國家。

同舟共濟。亟求外交善後之至計。用保神明禹冑之河山。覆水難收。不咎己往。能謀將來。乃益實

際。以火濟火。其害益多。重修舊好。謹俟良時。此則今日對外萬不可易之方也。然欲講對

外之方。當先決內爭之點。西南倡護法。北軍曰討亂。各是其是。求償所欲。干戈相尋。彌月不休。調停雖有人

而議和終無術。遷就弭兵。固為釀亂之階。爭地爭城。人有難言之隱。舊禍滋秦。奚怪其然。惟主戰各

軍。雖非善念。而主戰之果。可安邦家。此老成謀國者所為。安忍南北武夫。率其爪牙。腹心以求。決勝於疆場也。惟

今德俄媾和。局勢頓遷。危亡之憂。迫於夕旦。操戈同室。無異自焚。持械再戰。必覆宗邦。是以當局悔禍。頭改舊

觀。互電聲明。冀釋前嫌。和衷共濟。扶未燃之顛危。羣策羣力。支將傾之大厦。和解有望。民慶安居。乃忌克相尙。為時已久。

決驟言和。各窮其術。夙願未讐。人懷求逞之心。爭點猶存。禍有再作之兆。即使變棄舊惡。要約同

心。而扞禦外務。未必一致。禍結難解。苦無仲連。人心携貳。於此可知。任以為時。至今日逢世大變。國家

之終不存則亡。國家之勢不合則分。應籌斬釘截鐵之策。毋為苟且。茲亂之議。息爭救國兩言。

決耳。

枝節雖多。奚以預計。

合之制有二。曰統一。集權曰統一。分權分之制亦有二。曰南北分立。

即南北判為兩。各自為制。

曰南北分治。

實行內政分治。惟求外交統一。

特統一集權之制。管啓紛爭。

致諸往事。弊竇昭然。

南北分立之制。自破統一。

預計亦茲為害滋泰。此皆無所取材。不煩深論者也。

其足供人研討。而係乎我

國前途甚大者。厥惟統一。分權與南北分治之制而已。國家之勢。分則弱。合則強。當今之人。

多隳斯議。

實則理想之談。而非不刊之論。際列邦角逐之秋。

競尙富強。政權獨出。則百廢易興。威令下替。則

打格口甚。

欲奏勵精圖治之膚功。應採統一政權之善制。

稍識時務。咸有同心。

惟指臂之效可期。

而經畧之用。乃神非徒享其名。即可致其利也。今國家多難。綱紀蕩然。武夫驕汰。政出多

門。

江瀾滔滔。積重難返。

疇是長城砥柱中流。必欲矯揉合治。重演亂局。則息事甯人。悉背初心。

亂之滋生。弊在於此。僥倖天人。能無舉反。

人之愛國。欲其存也。國須統一。欲圖治也。豈以統一之名。為

國光寵。

稅制滋害。仍是福利。

而必假統一政府之虛名。以號召國蠹民賊。於一堂而禍我邦家。

哉。溯自共和告成。今僅七稔。而禍亂相仍。

歲無常日。

無辜小民。遭離亂而呼號。頓顛覆以

死者。何可勝道。

誰生厲階。致此鞠凶。

言救國恤民者。其亦稍念此困苦無告之民。為之請命。使

得萬死一生。

重觀天日。

毋徒假菩薩面目。迎合人心。委曲言和。甘心鈎譽圖一己之功名。忘

再亂之慘禍亡國殃民亦所不惜此任所為涕泣痛哭而道而頗欲我明達君子聞之也

統一因陋之制久為整民害政之資回首曠昔成車昭然世人共知庸可韜諱惟人多欲仍舊貫以圖治而任則不忍因稅制以召亡故甯負罪受謗欲散分治之制以救我邦家耳夫治國之道有常而治國之制無方宜於古不宜於今雖古法宜變宜於常不宜於變雖定法宜更不然周禮何以

誤蒼生青苗何以傷國是五帝三王醜地德齊不相沿樂不相襲禮堯舜揖讓湯武征誅各異其用並懋其功而封建郡縣之制迭相嬗變以向方應物而濟其窮况國所與立惟民與政

政有經而民不擲國勢斯昌而國家之分合不與焉蓋國家之分合所以應時變之宜而非所以判興替存亡之機此秦滅六國一世而亡而俾士馬克不强合南北德意志於敗奧之後而必欲

建德意志帝國於大敗法國之時也西歷一八六六年普奧戰後南德北德並立為政不之勢遂日進而不可遏及普法之戰普國大勝聲威煌赫德國民心趨向頓異亟欲合治以固邦基俾士馬克乃乘時而建德意志帝國焉今日得為世界強國者俾士馬克

也之功說者曰我國民性宜於合不宜於分攷諸歷史分治先例曾無可遵且分治之時僅見而不屢見其理益明不知我國分時尠而合時多非民性為之也實勢為之也國家之制所以求治因革損益

何常之有若必循國成例以為法制成例之前安有成例今之成例皆昔之創制耳審其利害臧否其分奚必

成例之是而創制之非乎以古繩今其失遠矣在昔海禁未開華人咸以國境自封號曰天下要服荒

即率是野族

而蠻夷猖獗無亡國憂故當鼎革之際中原逐鹿草莽英雄咸得無忌戎禍強食弱肉

以博最后之勝利而統馭全局國家恒合亦固其所勢使之然豈屬民性然任欲創分治以救國者非欲利用今日民性宜分而不宜合之弱點而不求葯之也良以耽逐日亟決戰必召淪亡糾紛

難解強合復爲禍胎與其虛名統一而受害禍毋甯別開生面而樹新猷今之爲勢所迫而不能不分亦猶古之爲勢所迫而不能不合制之不能歷久而無弊弊之不可不鋤以圖治也也易曰穹則變變則通通則久詩曰周雖舊邦其命維新

亦易喻矣國家統一任所樂道癸丑贛亂初起任曾著贛亂關於中國前途一篇載於上海大共和日報力

言國家宜求統一各省自主之非並道及亂後之朶讀者或能諱之回憶所之竟才致演成不可收拾之危局滋可慨也即在今日亦

未嘗以爲絕對不可特以勢趨於分勢不易阻揆以利中取大害中取小之義故直以分治實愈於統治耳惟是或分或合各有其道準道而行斯非倍狂敢略定分合之標以爲分合之本合之

道烏在曰崇法以塞亂則宜恢復舊國會嚴責以厲政則宜釐定行政權中央與地方限文武官吏之任期督軍之任期不定其弊尤甚故集軍財外交之特權則跋扈將軍難假

名以方命統治之權不因變而全失。重要之權權在中央可委之任任諸各省。政權畧分則紛爭之萌

可泯。地方容材則羣英之心始安。此統一分權之制爲今日欲謀統治者所宜先務者也。

分之道。烏在曰南北實行分治。惟求外交統一。國會可二。憲法可殊。商各有國會各制憲法用人

行政各異其宜。近仿奧制先例可徵。十一世紀中葉奧敗於德乃與匈牙利合爲一國以厚勢力國內各有國會各有憲法用人行政亦如兩

國惟對外取一致行動而名爲奧國耳對內可泯鬪牆之鬪。對外仍存民國之尊。凡百困難迎刃而解。其制備

其效鴻。蓋行權救國之制而無害統一者也。嗚呼。時勢急矣。外禍烈矣。覆巢之下必無完卵。棟折

榱崩。人將壓焉。而盡失其籌裁國政之能矣。昔曰中原能無痛心。當局諸公。果已天良喪盡。忍

亡國家。如傀儡。如醉漢。無識無知。麻木不仁。禍至之日猶作樂而自詡鐘磬則鳴鼓攻之彼將恬然無所動於

心况操解以求其聽聽能不自歎言當倘具有仁心。顧念大局。愛國熱忱尤超羣則力主和議。卽令前敵

停戰。限定最短期間。兩方提出一定條件。協商解決。苟所議無違。南北原係一家。卽可言

歸於好。共擔危厄永奠邦基如各執所是。背道而馳。多方調和究無良果則制分南北。各自爲政。西

南不必苦要求強人。可其所不可。北軍不必苦求戰強人。不可其所可。守法護法人心各殊勉求

同化詎非大錯欲謀內政之統一。固不妨俟諸異日也。假有強暴之夫甘冒不韙狡焉思逞罔顧大局違法理之解

決恣鷙獍之野心。專欲敗國。橫經主戰。則是同胞之公敵。即爲國人所共棄。多助寡助。勝負攸分。逆賊授首。直指顧問事耳。任嘗謂

國勢欲合。君子不能促其渙。國勢將分。英雄亦難一其統。而月前曾致書力任調和。此意吾國

名合而實分。而其害尤甚於分也。數載於茲矣。若分者合之。成紊無條理之政。起孽豎經綸一籌莫展。滋亂

害。國國人病之。故統一政權之制。既爲時勢所不能。強合南北之議。復爲識者所不許。果有造

時勢之英雄。力能統一。大造邦家。任竊磨香頂。祝樂觀其成。若而人者。德不足以服衆。誠不足以格人。

材不足以超羣。力不足以威民。旋乾轉坤。易如反掌。而斷斷焉以爲難。統一不可。是猶階天而升。多見其不知量也。子

輿氏曰。緣木求魚。雖不得魚。無後災。以若所爲。求若所欲。盡心力而爲之。後必有蓄。今之徒口言統一

者。毋乃類是乎。其忠可嘉。其愚大可哀矣。任何人斯。取倡異議。欲創分治。革故鼎新。闢未有之奇

局。爲國家之罪人。惟亡國禍烈。不忍親嘗。策可救國。庸懼負罪。觀過知仁。或爲君子所鑒許乎。非常

之策。得非嘗之人。而始彰非常之業。待非常之人。而後成。自忘側陋。敢告邦人。痛心之議。夫豈

得已。僉謀分治。從茲與民更始。實事求是。努力以昌邦家。救亡救亡。其在於今。若復因循貽誤。任

圖自己。淫氛瀰漫。不求磨清。則國勢瓦解。銅駝蒙荆棘之憂。七閩震驚。人世有滄桑之變。分崩離

析。國將不國。束手待斃。行將誰諉。時則欲求南北分立。以苟綿殘喘。而不可得矣。遑云南北統

一。遑云南北分治。任竊願斯言不中而人以爲病狂也。任竊懼大聲不入於里耳。斯言竟不幸而中。而人以爲知言也。對外之策。息爭之議。凡以救國盡心而已。是非知罪。我取有辭。世有救國者。盍興乎來。

淵對德宣戰之議。倡於梁啓超。而成於段祺瑞。國人共知。無可諱言。當中德絕交議起之時。任卽屢函彼等。論其利害。期期以仇德爲不可。詎意天降鞠凶。國家多難。而任所謂德俄必能媾和之說。竟成事實。今北陲多憂。大難在卽。覩茲危局。安忍坐視。而空言招尤。頗不欲多所議論。惟竊提舊話。將去歲致梁段之書。（見去歲三四月分北京醒華日報）論及仇德之害。關於我國前途至鉅者。附誌於後。以供留心時勢者之鑒察。而急外交圖善後之方云爾。非欲以此暴人之短。而自幸言中也。段梁二君。嘗以救國爲懷。密擇善而行。不致執迷不寤。聚九州鐵而鑄成大錯。以召亡國之慘禍乎。

黃任自段祺瑞書

前函陳策。列而爲四。執事邇來所行。出夫下策。且直欲趨於下下策。任竊思竊以爲大不可。草野之夫。言不見信。揆諸物情。理宜緘默。惟國家休戚。人人有責。管見所及。不忍不聞。

夫我國弱國也。戰爭大事也。日求親鄰。人猶我侮。辱國喪權。不絕於書。切膚之禍。禍之大者。誓死力爭。詎曰不宜。然國人含羞忍痛。無敢云戰者。誠以戰爭之禍烈。而亡國之禍重也。今也列強爭雄。與我無干。乘隙修政。猶懼不暇。代人任禍。詎非倍狂。雖曰宣戰不戰。關係甚微。而宣戰之舉。始害滋深。今則擾民。後則禍邦。其中危害。尤爲叵測。且宣戰不戰之說。在俄政未變以前。雖屬悖謬。尙可成立。今則俄政既變。內有隱憂。禍及我國。愈趨愈近。明達之士。自知其隱。此不煩詞解者也。比來談國政者。實鮮有徒然或昧於遠。或失於迂。愛國者固多。而藉公營私者亦復有人。故其說多蔽於一方。而不宜以之定國。是我國應否宣戰。枝節孔多。動輒掣肘。似難取財。惟持以決之。方不外兩途。一曰審國情。一曰察歐勢。我國之大。爲世僅有。國政之敗。亦爲世僅有。兵財枯竭。百事待理。禍機四伏。舉目可悲。加以民心厭戰。反對敵德。奸人生心伺隙。倡亂而高官汚吏。效嬉燕雀。聲色貨利。醉心若狂。國勢如此。尙言敵外。無知小民。早已奔走啼泣。而相告曰。宣戰不可。宣戰不可。未審執事。曾聞及此。而有動於心。否也。列邦與我。關係既切。利害之分。自應詳究。孰爲我賊。孰爲我友。別其善惡。無失明察。能利我者。我思助之。能害我者。我思傾之。雖國與國。遇均有。

害心而因地因時遂生友愛英法逼處邊陲形同蛇蝎德奧逞志歐洲遙制寇仇何宜助而何宜傾理勢顯然親可仇而仇可親笨伯不爲以此求利利於何有以此免害害將愈滋無知小民早已奔走啼泣而相告曰仇德不可仇德不可未審執事曾聞及此而有動於心否也吾國未亡實賴均勢其說雖陳其效猶存逆勢背馳時曰不知如謂舊均勢之局縱破而新均勢之局將成此實不通之論而徼倖萬不可能者也今世之號稱強國者屈指可計德奧如敗歐勢如何可均外審時勢知其說妄惟德奧果敗均勢之局自必別演特爾時之均勢與昔日之均勢同名而異趣而非吾國所敢希冀之均勢耳蓋昔日之均勢列強均勢而不可得瓜分我國也日後之均勢英法諸國均勢而可得協謀瓜分我國也英法諸國今已同氣協衷謀度共的而行識者固懼其將以戰勝之餘威裂我土地救其創痛屏其敵國利用時機以收一舉兩得之效虎脫檻中能忍饑而不人食乎吾知小民早已奔走啼泣而相告曰自破均勢以速亡不可不可未審執事曾聞及此而有動於心否也主無條件加入戰團者非甘心亡國卽下愚也卽病狂也狂走蹈險恰似瘋狗如瞽相物不知東西蓋無足深論深責者也主附條件加入戰團者其說近是而實非利

中之害。未能計及。悅服外人。其心。泰深。微論所議條件。不易辦到。縱令克底於成。而關稅。增加利。抄害多。苛條之除。有名無實。弱國得利。不能自守。而害反叢之。此理之常。無足疑也。列強眈逐。時欲謀我。害人利己。乃其慣性。改加關稅。豈其本心。迫不得已。容我所求。乘危攘利。在我爲得。隱忿滿腔。彼將思報。今雖我予。後必我奪。條約難恃。吾將奈何。卽不然。協約諸國。不失信義。改訂之約。依理踐行。而別要求權利。以填其商貨增稅之失。或別具毒心。以利誘我。而爲其戰敗議和之品。吾將奈何。求微末之利。而媒蘖不測之憂。斯失道矣。至國際上。待遇之平等。與否。純視國家之強弱。不在條件之規定。今日鋤苛條。明日興苛條。權操諸人。吾烏能禁。爭此具文。實屬無謂。回首疇昔。我國詎曾受國際上苛條之束縛。而始惹出今日拘我之苛條哉。毋亦老大無用之中國。貧弱不振。有以召之耳。然任非不望增加關稅。刪鋤苛條也。良以國政不修。無以自立。苛條之約。雖廢。猶存關稅之增。將致滋禍耳。俄國政變。德勢愈利。執事憂懼。痛悔孟浪。國利民福。惟茲是賴。乃美德宣戰之電。聞始達。而中美一致之妄說復燃。庸人自擾。滋爲可悲。中美應否一致。中美果否一致。此頗足資今日之研索者也。我處東偏。美處西偏。美國富強。我國貧弱。地位國情。迥不相

伴強欲一致。詎非大錯。美商受損鉅。美民怒氣昂。美政府不欲宣戰。委曲求全。美人士不再容忍。決欲一試。藉公法人道爲口實。大民氣。商業爲旨。歸戰之勝負。不可知。而戰之目的。爲自利。美之宣戰。頭頭是道。條條有理。何怪其然。今我國亦欲與美國同趨矣。任聞之而喜喜。我國亦敢言戰也。任聞之而懼懼。我國徒口言戰也。二三子口口聲聲。昌言中美一致。是好題目。而求其宣戰之目的。與美國適得其反。商本不擾。政府欲戰而敗。壞商業矣。民本安居。政府欲戰而激怒民氣矣。函電交馳。日有所聞。秉國鈞者。詎宜聽。若必悍然武斷。步美後塵。抹殺民意。一概不顧。而曲求達到中美一致之目的。爲快事。任以爲此特中美形式上之一致。而非精神上之一致。且將來中美形式上。亦未必能一致。質言之。實不得謂中美一致也。試問政府以公法人道爲詞。對外宣戰。不顧民意。豈以國民懦弱。歐人驕泰。或宜與講公法人道。或不宜與講公法人道乎。不然。何重外輕內。反本爲末。致於此極也。近聞國中有偶語者曰。執事用人行政。不求中美一致。以靳富強一致。而獨於勞民傷財之舉。效之恐晚。真令人百思而不能得其解。且曰。專制國家。欲舉大事。先觀民心。何況共和共和者。總統不得以國爲家。總理亦詎得以國爲家。家國不得爲一物。卽國

事不得違衆願。故美之宣戰。非政府主之也。人民主之也。執事如必孤行己意。逆反輿情。是以四萬萬人之生命財產爲孤注。以資一二人之娛快也。是以民國爲私物。而共和國家反不如專制時代之猶能顧諟民意也。吾儕小民。未遊歐美。實不解共和之謂何云云。任以爲假語。雖微影響不泰。蓋亦足徵國民今日之真意所在。而監諒執事之心。將從此逐漸消磨矣。執事其亦樂聞此而思所警惕乎。美富而不強。對德宣戰。其效不鴻。能否持久。尤屬疑問。蓋美之助英法。不自今始。今日之宣戰。特變更德美國交上之名稱耳。美軍之不易赴歐。美軍之非德比。世人共知。不勞贅述。其他重要之點。足資注意者。厥爲德籍美人之勢。優墨美戰爭之將起。內有重憂。外禦強敵。美能之乎。不能也。不能則德美關係必一變。其間或緩或急。言戰言和。美國均有自主之權。外人不得越俎代庖。我國加入戰團。遇有危害。能如美之臨機應變。進退自由乎。不能也。不能斯爲禍。斯爲禍之難測者也。藉曰美墨之間。兵戎不作。卽啓戰釁。無傷大計。而德俄議和。德美之國交。將一變。德服法後。德美之國交。又一變。我國與美一致。能否一綫到底。美一變。我亦一變。縱變化萬千。總不失中美一致之真面目。此不可不深長思者也。任以爲我國不戰則已。戰則受人牽制。

自尋束縛。利不能得。害則代受。迨至德俄議和。東鄰變計。大政方針。聽人籌裁。國家尊嚴。完全剝喪。國雖不亡。與亡無殊。然後知橫順依人。終不討好。宣戰之害。酷於中立。千百萬倍。此誠足椎心痛哭。長太息者也。國中主戰者。除少數不肖之徒。別具心肝外。祇謂中立。不適宜。理由事實。均不充分。及問其歐戰之趨勢如何。則又瞠目結舌。而不能道。淺陋之夫。小知自私。國家其容有幸乎。任以爲列強之決雌雄。今不在海。而在陸。德人出其電馳雷擊之用。檢選精銳。直擣俄京。俄必不能支。而與以美滿條件。償其本懷。否則德必再進一步。復其故君。結爲同盟。轉戰英法。其有不能制敵得志者乎。貧弱如我之國家。爾時能否消搖自在。毫無關係。此不可不深長思者也。德國議和。當在和俄以後。和議倘成。榮利有歸。如仍見拒。則怒民忘寇之計。已讐。而可大舉以攻敵。意國易與耳。無庸道。而法國之屈服。亦必在指顧間。然後肆志於東。要求條件。問罪於我。我若虛其請。則嗾俄出師。擾我北境。貧弱如我之國家。爾時能否消搖自在。擺脫禍害。使與國代我鳴不平。藉口公法人道。以充此強暴之舉乎。此不可不深長思者也。日本狡詐。惟利是圖。德俄言好。彼將變計。德服法後。其計斯張。彼時北俄東鄰。皆德友邦。縱使幽燕之間。不見戎馬。而我

能。不。消。搖。自。在。高。枕。無。憂。乎。此。不。可。不。深。長。思。者。也。或。以。爲。德。國。縱。能。和。俄。服。法。終。不。能。得。最。后。之。勝。利。以。海。上。戰。局。不。易。與。英。美。爭。也。不。知。德。奧。無。事。於。俄。法。卽。已。大。占。優。勢。而。能。繼。續。與。之。爭。者。獨。英。吉。利。一。國。而。已。美。國。則。必。却。步。而。圖。自。保。矣。英。之。不。能。與。德。爭。其。勢。易。明。德。奧。此。時。自。必。提。刀。而。立。爲。之。四。顧。爲。之。躊。躇。滿。志。縱。使。英。美。合。力。猶。未。解。組。則。德。國。必。不。重。攻。英。而。重。攻。美。美。之。難。爲。其。美。蓋。可。知。矣。美。敗。則。英。必。隨。之。如。曰。英。美。合。力。德。無。能。爲。則。德。國。海。上。戰。局。可。轉。攻。爲。守。爲。以。逸。待。勞。之。計。時。遣。驚。絕。世。人。之。潛。艇。四。出。襲。敵。側。擊。旁。敲。使。其。欲。戰。不。可。欲。罷。不。能。乘。隙。蹈。瑕。謀。而。殲。之。已。則。逸。刃。有。餘。人。則。罷。於。奔。命。曠。日。持。久。以。老。敵。師。英。美。雖。欲。不。議。和。不。可。得。已。戰。事。既。終。議。和。有。日。我。國。倘。開。罪。於。德。爾。時。能。否。消。搖。自。在。得。免。割。地。賠。款。之。禍。此。不。可。不。深。長。思。者。也。要。之。戰。爭。之。步。驟。須。視。戰。勢。爲。轉。移。議。和。之。先。後。亦。以。時。機。爲。依。歸。遐。想。其。事。雖。難。爲。則。而。重。要。之。變。遷。不。逾。夫。此。德。能。和。俄。服。法。洵。可。預。料。英。美。無。力。不。能。久。事。於。戰。亦。可。預。知。日。之。親。德。當。於。德。和。俄。後。萌。其。機。德。敗。法。後。覩。其。成。矣。任。雖。不。敢。號。先。知。雅。不。願。人。云。亦。云。今。之。所。論。雖。似。臆。揣。實。衷。諸。道。蓋。世。態。變。遷。難。逃。勢。理。變。雖。無。極。其。實。有。極。以。勢。觀。變。變。無。奇。變。以。理。觀。

變變猶非變成敗利鈍蓋每有足前思過半者矣。任嘗以理勢度變而多中。茲論歐勢亦不外以理勢測之而欲貢此區區以謀國民福利冀毋輕舉妄動致冒此不測之奇險耳。任說無奇亦非矯爲奇說以立異。姑簡言之。以釋德國必勝之惑焉。一以德皇深慮遠謀材識過人凡所設施均能高人一着也。一以德國政教昌隆物質文明迥非各國所可倫比也。一以世未統一凡有變遷都不能逃優勝劣敗之公理也。後說近於虛前說徵諸實徵諸實者勢易揣測近於虛者變誠浮幻然羅古今成敗之由而範之亦不難逆知其果任謂宣戰多危者祇以國情如彼歐勢如此耳。然任亦知政府今日勢成騎虎錯已鑄成毋寧就錯以微倖其不錯豈知欲適秦而馬首東愈馳愈遠欲救經而引其足實催短命哉。國未卽亡應重主權戰爭大事尤不可苟遷就依人未免忍心。况協約諸國無力迫我虛聲恫嚇又奚足畏。如恐積怨來茲致滋困難則以人民反對爲詞虛與周旋亦可了事。何汲汲欲對德宣戰以釀國民之恐懼而種危亡之禍根爲任。嘗謂弱國無外交以內政理亂之比例爲外交。丁今之時雖有能者任理外務亦不能折衝樽俎而奏奇效。蓋言雖成理如人不依理何。人雖多能如國無後盾何。此任每睹辱國喪權之事不重尤人而獨

痛恨國政之不修。吾因之有感矣。時局敗壞。至於今日。百孔千瘡。潰決難治。求材崇功。以濟時艱。臥薪嘗膽。以雪國耻。猶懼隕越。致召淪亡。乃渾沌氣象。濁而不清。政海波瀾。日促國命。邪正是非。混殺而莫之辨。功罪賞罰。顛倒而以為經。姑息養奸。視為得計。苟且偷安。抱為政策。官人不量其材。惟親暱。心腹是擇。政事不謀。進步以敗壞。廢弛紀功。言救亡之言行。召亡之行。怡然自得。竟不為怪。徧及國內。相習成風。亡國之期。雖未至。亡國之根。已植矣。天雖相漢。其能禁人。無取我子。無毀我室哉。遙念前途。觸物生感。搦管論政。五中俱摧。任恒不願責人以快胸臆。亦不願談政以討煩惱。然不敢不直陳我國用人行政之足召亡以相告者。誠不忍四千餘年之山河。亡於共和。亡於執事之手。亡於我生之適逢其會也。內政修而后可言外交。內政修而后可救危亡。區區之心。蓋在此耳。諺曰。忠言逆耳。利於行。良藥苦口。利於病。願執事監我苦衷。采其所陳。夫豈一二人之幸。我國民實利賴之。

黃任致梁啓超書

聞足下之名久矣。將以夙昔經綸。救我邦家。國內之士。莫不景仰。處今日德美失和之秋。

時勢危急。倍於尋常。動而失道。國覆家喪。正賴足下以卓鉅之眼光。觀察世變。以審慎之
心思。攷求國情。慮必求其遠謀。必要於當用助當局。用安邦家。乃足下見淺利而忘大害。
惑俗言而忽國本。中無所主。因物而遷。僅就德美之變。以促我國之變。不恤其變之所底。
以弭我國之變。助敵召亡之舉。未有如今日不守中立之甚者也。我國貧弱已極。本難自
存。然而不亡。至今詎非列強均勢之明效。與顧列強之勢。之所以能均。則在德英法俄諸
國之力能相敵。歐戰以來。協約國以衆擊弱。識者慄慄危懼。猶恐德奧將敗。以致均勢局
破。而協約諸國得協以謀我。覆我國家。此美國陽號中立。而陰助協約國之舉。所爲令人
與黍離之悲也。今也德美失和。更足令人重亡國之憂。國勢隨危。莫今日若。足下負時盛
名。自命不凡。當如何忠告當局。調和德美。免啓戰釁。幸而所謀得遂。國難可紓。不幸而計
不能逞。必當嚴守中立。以示無所偏袒。賈禍鄰邦。而陰輩德奧。或不致敗北不振。以維係
均勢之局於萬一。且曰天命匪常。天不假易均勢之局。不可久。徼保邦之道。不可自棄。臥
薪嘗膽。修明政治。舉材攷績。大造邦家。內則以危亡無日。訓國人曰戒懼之。不可以怠。戮
力同心。以并外侮。外則以唇齒之喻。和東鄰。曰貴胃不可疎離。永結盟好。共禦異類。我地

自強彼必助我。因北助我。政乃大昌。相安相維。國基永固。爲今之計。詎復有善於此者哉。足下不知出此。感悟當局。使其厲精圖治。自強於內。要結日本。藉援於外。乃臨大事而神昏。被震驚而心悸。勸執政破壞中立。與德絕好。效庸人附勢乞憐。步美後塵。助敵速亡。抱薪救火。爲害國家。斯已甚矣。猶欲小知自私。發抒意見。獵取芳名。以慰中懷。詎知政策大錯。雖字字珠玉。適足爲貽笑之資而已。望靜坐三思之。毋躁行邁於世。執三尺童子而問之。孰不曰。歐洲各國皆吾敵也。同屬敵國。何者。當助敵盡而我存。我之願也。惟敵不可盡。亡則當權其勝敗之利害。而圖之以爲對外之方。敵敗而有害於我者。吾欲其勝而助之。助敵卽所以自救也。敵勝而無利於我者。吾欲其敗。而傾之。敵傾而我乃不傾也。我國今日之外交。宜弱鄰宜強。遠鄰國弱則不侵我。土地懼強鄰之乘其後也。遠國強則不利我。土地有弱國以間於中也。主今日對外之方。雖聖人復起。不能易斯道也。夫德奧僻遠。形格勢禁。戰而勝於我。無害。蓋鞭長不及馬腹。而鄰近之仇。讐尙未滅也。協約諸國。倍易侵我。戰而敗。野心乃戢。蓋有強國以制其動。而國內之勢力尙未復也。惟德奧敗而協約諸國勝。則彼乃得協以謀我。以求填其無厭之欲。大啓封疆。以廣甲兵。而屏德奧。而莫敢誰

何矣。禍深思返。將奈之何。訴之公理。何所控告。蓋今日之世界。非僅公理不勝強權之世界也。實強權即爲公理之世界也。歐人殘毒。類於豺狼。狼子野心。烏可杖信。交趾印度。足爲殷鑒。敵人貪冒。時欲亡我。我土未盡。彼欲未厭。此僅以加入戰團。即能參與和議。而得國際同等他位之說。實屬大謬。不然。議會之中。惟強有力者之言。是從。弱國代表。勢不能有所主張。而與之爭。且不敢與之爭。故雖有代表。與無代表等。是則以參與和議。即能保障權利之說。不俟攻而自破矣。足下孰察時勢。有兵力財力同等之國家。而未能得同等之禮遇者乎。有兵力財力不同等之國家。而能得同等之禮遇者乎。故欲求國際上與人同等。非可口說了事也。非可口說得之也。當求之於兵力財力。苟兵財之力與人同等矣。則無求而不能與人同等。何勞依人取悅。而爲婦人女子之行焉。苟兵財之力未與人同等也。則無求而能與人同等。何勞依人取悅。而爲婦人女子之行焉。我國之兵力財力。何如乎。不富不強。欲以加入戰團。博人歡心。一躍而躋於列強同等之地位。此萬萬不可得之數也。強爲之說者。非病則狂者也。不然。知其不可爲而爲之。是不仁也。不知其不可爲而爲之。是不知也。不仁。不知殺身亡家。猶有餘。而與謀國家大事。其不至傾覆其國不止。

夫敵也者與我異勢而相軋者也。禍福相左。利害不同。彼有得而喜。卽我有失而憂。敢問破壞中立以媚人者。果何謂敵也者。欲殺我者也。有急則求助。難過則惠忘。貪得無厭。伺隙而動。求免其害。烏可得乎。是則我國之不應加入戰團也。蓋已章章明矣。抑更有進者。我國弱國也。加入戰團。供人利用。服奴僕之役。而不能得奴僕之遇。勝則破均勢之局。以召亡。敗則代協約諸國而任禍。勝亦禍也。敗亦禍也。敢問加入戰團。忠於爲人而不計國家之利害者。果何謂任以爲今日主張與美同趨者。皆販夫販婦之流。其中無主。聞甘言而色喜。見小利而情遷。不度國勢。妄動步趨。未能學爬便要學走。詎知餌爲誘魚之具。罔爲係鳥之媒。而樨子欲趨必致顛仆也哉。夫協約諸國。匪可杖也。如可杖也。任敢有辭。今敢下一斷語曰。今日主張加入戰團者。絕無一人敢以身家保險。必協約國三十年不我害也。以二十年爲說者。吾國存亡可決之期也。任竊料之矣。足下匪惟不敢以身家保協約國三十年不我害。而民獲啓處也。亦不敢以身家保我國十年不見害於協約諸國。而民獲啓處也。捫心自問。然邪否邪。如其然也。國內之身家亦夥矣。寧無側陋之人。自視其身家猶重於足下。仟百倍者乎。烏可惜然爲說。改變中立。以衆多之身家爲孤注。而作一

試驗品者哉。人生實難。國家之存也亦實難。其有不獲死亡者乎。焉用助敵以召亡。乃今之欲陪德以召亡者。恬不知恥。方且靦然自號於衆曰。救國救國。吾未知其可也。吾見覆敵以救亡者矣。未見助敵以救亡者也。吾見冥頑不靈者之助敵以召亡者矣。未見自命不凡者之助敵以召亡者也。今我見之矣。焉得不痛哭。此四千年之山河。四萬萬人之生命財產之將爲人。有而圖恢復之無期也哉。嗟我黃胄。何幸於天。荼毒之餘。促之以亡。足下而忍亡祖國乎。是可忍。孰不可忍。予何言。予何言。足下而不忍亡祖國乎。其急犧牲已見以救國家。勿徒強自爭勝。不顧利害。不然。子孫將殆。而乃祖乃宗之禋祀亦幾絕矣。心切救國。不暇擇詞。拂君之欲。我知過矣。惟足下助敵政策。實害國家。苟願果讐。黃胄在天之靈。必將乏祀。寧肯恬然寬恕足下者哉。足下其自知過乎。其亦欲知過而悔乎。望孰計之。善自處。

